


Գ. Տիրացյան

ՀԱՅԱՎԱՆ ԱՄՐՈՑԻ 1962 թ. ՊԵՂՈՒՄՆԵՐԸ

Գառնիի հնագիտական արշավախմբի մի շրկատը շարունակեց 1951 թ. ձեռնարկած, Գառնիից ոչ հեռու գտնվող, Հացավան գյուղի հին ամրոցի սիստեմատիկ պեղումները, նպատակ ունենալով՝ հետազոտել ամրոցի բուն տերիտորիան, ինչպես նաև պարզել պարսպապատի շրջագիծը¹։

Աշխատանքների ընթացքում բացվեցին պարսպապատի նոր զգալի շափով ավերված հատվածներ, ընդամենը քարե մեկ կամ երկու պահպանված շարքից։ Արևելյան մասում բացվեց



Նկ. 1


մի խճճված հանգույց, որի հետևանքով երևան եկան մի նոր կոնտրֆորտի հետքերը, նախորդ № 4 և 5 կոնտրֆորտների միջև։ Պարսպապատի արևելյան կողմի կոնտրֆորտների թիվը այսպիսով հասավ 7-ի։ Նույն տիպի քառանկյունի կոնտրֆորտներ հայտնաբերվեցին արևմտյան և հարավային մասերում։ Ամրոցի հարավ-արևմտյան կողմում բացվում են ամենայն հավանա-

¹ Աշխատանքներին մասնակցում էին հնագիտության և ազգագրության ինստիտուտի ասպիրանտ Ժ. Խաչատրյանը, կրտսեր գիտական ախատակից Ս. Հարությունյանը և արվեստի ինստիտուտի կրտսեր գիտական աշխատակից Կ. Ղաֆաղարյանը որպես ճարտարապետ։ Լուսանկարչական աշխատանքները կատարել է Գ. Ժամկոչյանը։

կանոթյամբ անկյունային, ըստ երևույթին քառակուսի, աշտարակի հետքերը՝ Ալդպիսայի պարսպապատի արևմտյան մասի ընդհանուր երկարությունը 1962 թ. բացված նոր հատվածի հաշվին աճեց մոտավորապես 20 մետրով:

Կառուցվածքի արևելյան և արևմտյան կողմերը օժտված են քառանկյունի ելուստներով՝ կոնտրֆորտներով. հյուսիսայինը՝ կլոր և կիսակլոր աշտարակներով, իսկ հարավայինը՝ առայժմ անկյունային, ըստ երևույթին քառակուսի, մի աշտարակով, որի կողքը, հավանաբար, տեղադրված էր ամրոցի մուտքը, և երկու կոնտրֆորտով (նկ. 1):

Ամրոցի հյուսիսային ֆասադը շատ նման է պարթևական ժամանակաշրջանի մի ամրության, տեղադրված Միջագետքի Կիշ շումերական ծագում ունեցող քաղաքի վերին շերտերում² (նկ. 2):



նկ. 2

Հացալան ամրոցի քառանկյունի ելուստները, հավանաբար, ձայնակցում են ուրարտական ամրոցների կոնտրֆորտների հետ (Արին բերդ, Նարմիր բլուր, Կամո), իսկ այստեղ նրանք զուգորդվում են ավելի ուշ ժամանակաշրջանի համար բնորոշ աշտարակների կլոր և կիսակլոր ձևերի հետ:

Ամրոցի ներսում աշխատանքները հիմնականում ծավալվեցին նախորդ տարում, կենտրոնական տեղամասում պեղված քառակուսիներից դեպի հյուսիս, ընդհուպ մինչև պարսպապատի շերտերի ընթացքում բացվեցին բազմաթիվ պատեր, հիմնականում երկու տարբեր մակարդակների վրա (նկ. 3): Ներքևի մակարդակի պատերը կանոնավոր են և իրար հետ կապված: Նախորդ պեղումների ժամանակ կենտրոնական մասում բացված արևելքից-արևմուտք ուղղությամբ ունեցող պատի հետ ուղիղ անկյուն է կազմում մի նրկար պատ, որը ձգվում է դեպի հյուսիս, միանում է արևելքից-արևմուտք ձգվող մի այլ պատի հետ: Վերջինս կիսակլոր աշտարակի ներսից հարող սենյակի մասն է կազմում, որի հատակագիծը մոտավորապես քառակուսի ձև ունի՝ հյուսիսից արտիդաձև մասով: Այս պատերի հիմքերը դրված են մայր հողի կամ բնական ժայռի վրա և համապատասխանում են արտաքին պարսպաների մակարդակին. ինչպես նաև կապակցվում և ներդաշնակվում են պարսպաների եզրագծի հետ:

Ներքևի պատերը, ինչպես արդեն հայտնի է անցյալ տարվա պեղումներից, գետաբարի կանոնավոր շարքերից են կազմված: Այս տարի բացվեցին պատեր, որոնց շարքերը շեղ դրված քարերից են կազմված, մի շարքի քարերը մի ուղղությամբ, հաջորդը հակառակ ուղղությամբ. որի հետևանքով ստացվում է այսպես կոչված եղենաձև շարվածք:

Պատերի հաստությունը 1,08 մ—1,14 մ է, պահպանված բարձրությունը մինչև 0,66 մ. Պարսպին հարող սենյակի հարավային մասում բացվածք կա, լայնքը 0,75 մ: Սենյակների հատակը կրաքարային մասսա պարունակող տոփանված հողից է, որը հանգչում է բնական թերթաքարային հիմքի վրա: Փառ. Ա—4-ում բացվեց մի հարթակ, բարձրությունը հատակից 0,35 մ, որի եզրը տուֆի տաշված քարերից է կազմված: Հարևան քառակուսիում (E—4) հատակին բացվեց մի կառույց՝ քառանկյան ձևի (1,60×1,50 մ), որը հիշեցնում է անտիկ իմպլովիումը, ներքին բակերում՝ տեղումներից առաջացած ջուրը հավաքող ծանծաղ մի ավա-

² Excavations at Kish and Barghutlat 1933. S. Langdon, Sassanian and parthian remains in central Mesopotamia, Iraq, VI, 2, 1934, նկ. 5:

զան: Այս կառույցը տուֆակերտ եզր ունի, լայնությունը 0,22—0,30 մ, բարձրությունը հատակից 2,7 սմ: Փանի որ նրա վրայով անցնում է ավելի ուշ շրջանի պատկանող կորագիծ պատի մի հատված, հնարավորություն չկար ուսումնասիրել այդ կառույցը և որոշել նրա խնկական նշանակությունը:

Այս տարվա պեղումները տվյալներ տվեցին նաև շինարարական երկրորդ փուլի գոյության մասին: Դրանք վերաբերում են մի քանի պատերի, որոնց հիմքերը ավելի բարձր մակարդակի վրա են քան վերը նկարագրվածները: Այդ մասին լավ պատկերացում է տալիս այն կորագիծ պատը, որը անցնում է հատակին սարքված կառույցի վրայով: Պատի հերթի մասի շարքը դտնվում է այդ կառույցից 0,64 մ բարձրության վրա:



Նկ. 3

Կիսակլոր աշտարակին կից սենյակի արևմտյան նախնական պատի երկարությամբ, ավելի ուշ, երբ այն քանդված էր և հասնում էր 0,66 մ բարձրության, դրված է եղել մի երկրորդ պատ, որը իր լայնքի կիսով հենվում էր ներքևի պատին:


Երկրորդ, ավելի բարձր հորիզոնի վրա կառուցված պատերը իրենց հատկանիշներով տարբերվում են ցածր հորիզոնի վրա կառուցված պատերից: Դրանք սարքված են պակաս խնամքով, քարերը շարված են անկանոն: Պատերի լայնությունը 0,60—0,80 մետրից չի անցնում:

Պեղումների ընթացքում մեծ քանակությամբ տարբեր տեսակի կավանոթների բեկորներ դուրս եկան, որոնք որոշ պատկերացում են տալիս խեցեգործության զարգացման մասին: Նախորդ տարվա նման, խեցեղենի ստվար մասը հասարակ, ժիւղհանոցային տիպի է, կարմրավուն, սև և գորշ գույնի կճուճների բեկորներ, որոնք ժամանակագրական որոշակի կերպար չունեն:

Հանդիպում են հնագույն տիպի ուղիղ կամ դեպի ներս ծուլած պսակների ու շրթերի բեկորներ: Պրոֆիլավորված պսակների մի խումբ հիշեցնում է անտիկ ժամանակաշրջանի կերամիկային: Սև գույնի կճուճների դեպի դուրս ցցվող պսակների բեկորները նման են Գառնիի առաջին դարերի դամբարանային նյութերին: Այդ խմբին պետք է վերադրել օր. եռատերևաձև (օյնոխոյայի) պսակով բեկորը, բարձրորակ կավից պատրաստված, դժգույն արտաքին տեսքով լայն կանթը և ընդհանրապես բաց գույնի անգործով պատած խեցեղենը:

Այս տարի ևս հանդիպեցինք հաստապատ կարասների բեկորների, վերևից հարթ դեպի դուրս ցցվող պսակներով (Նկ. 4, 3): Մի այդպիսի կարաս, բավական վնասված վիճակում, հայտնաբերվեց կիսակլոր աշտարակին կից սենյակի հարավային պատի տակ:

Ինչպես նախորդ տարիներում, դարերի խորքից շարունակեցինք դուրս բերել հելլենիստական գունազարդ կերամիկայի գոտեզարդ օրինակներ: Կարմրավուն, դեղին կամ վարդագույն ֆոնի վրա նկարված են տարբեր լայնքի գոտիներ, առանձին կամ զուգահեռ, որոնք երբեմն իրար հատում են, կամ առանձին զարդեր կազմում: Այդ գոտիները շագանակագույն են, վարդագույն, սրճագույն, օխրայի գույնի կամ մուգ կարմիր (նկ. 5):



նկ. 5

Անհրաժեշտ է նշել, որ Հացավանից դուրս բերված այս խեցեղենը մեծ նշանակություն ունի հին Հայաստանի կերամիկայի պատմության համար, քանի որ նա սկիզբ է դնում հին Հայաստանի խեցեգործության ուսումնասիրման բնագավառում եղած բացի վերացմանը³։ Այդ բացի վերաբերում է կերամիկայի պատմության Ն. Մ. Ք. առաջին դարերին, քանի որ մի քանի տարի առաջ այդ ժամանակաշրջանի խեցեղենի արտաքին հատկանիշները նույնիսկ մեզ հայտնի չէին: Գունազարդ կերամիկայի այս խումբը որոշակի նմանություն ունի հելլենիստական հուշարձանների նյութերին: Սիրիայի Անտիոք քաղաքի շրջակայքից հայտնի են հելլենիստական ժամանակաշրջանի գոտեզարդ բաց գույնի խեցեղեն⁴։ Կիլիկիայի Տարսոս քաղաքի Ն.Մ.Ք. առաջին դարերի կերամիկան նույնպես տարբեր գույնի գոտիներով է զարդարված՝ զուգահեռ կամ շրջակենտրոն դասավորությամբ⁵։ Գոտեզարդ կերամիկա է հանդես գալիս Աթենքի Ագորա-

³ Գ. Տիրացյան, Հացավան ամրոցի 1961 թ. պեղումները, ՀՍՍՌ ԳԱ «Տեղեկագիր» (Հասարակական գիտություններ), 1962, № 11:

⁴ Antioch on the Orontes, IV, Fr. O. Waage, Ceramics and Islamic coins, 1948, Princeton, տախտակ 1, նկ. 2, 3, 5:

⁵ Excavations at Gozlu Kule Tarsus, The hellenistic and roman periods, vol. 1, 1950, Princeton, տախտակ 132, № 189. տախտակ 134, № 220.




Fig. 5



Fig. 6

յի (հրապարակի) ստուգությամբ թվագրվող հելլենիստական շերտերից⁶, ինչպես նաև Կոռնթոսի նույն ժամանակի շերտերից⁷, Նույնպիսի կերամիկա ծանոթ է Փոքր Ասիայից, օր. Պերգամից⁸։ Հաստատուն տվյալներ են մատակարարում նաև մերձսևծովյան հյուսիսային քաղաքները։ Հատկապես այդպիսի խեցիներով հարուստ է ինքսոնես քաղաքը, որտեղ հայտնաբերվել է բրուտի արհեստանոց նման կավանոթների արտադրության հետքերով⁹։ Օլվիա քաղաքը ևս մատակարարում է այդպիսի նյութեր¹⁰։ Հելլենիստական դոնազարդ կերամիկա, ավելի քարզ պարզերով, Հացավանում, հայտնաբերվել է դեռևս 1961 թվականին, Այս տիպի կավանոթների բեկորներով հատկապես հարուստ են Արմավիրը և Դվինը։



Նկ. 7

Հայաստանի պատմական թանգարանում ցուցադրված են նմուշներ Դվինի և Արմավիրից, որոնք ամենայն հավանականությամբ հելլենիստական ժամանակաշրջանի շերտերից են, դուրս բերված։ Դվինի սրահում ցուցադրված մեծ տափաշիշը (ֆլյադա) զարդարված է շրջակենտրոն գունավոր գոտիներով, որոնք ուղղակիորեն ձայնակցում են Հացավանի գոտեզարդ խեցեղենի հետ։

Վաղ բրոնզե դարի դոնազարդ կավանոթների պահպանում ցուցադրված էր մի մեծ բեկոր (№ 1331), Արմավիրից, որը ծածկված է տարբեր գույնի (սրճագույն, սև, սպիտակ) գոտիներով և զարդերով, եռանկյունաձև, ցանցաձև և ծաղկաշղթայաձև (գիրլանդաձև)

⁶ Homer A. Thomson, Two centuries of hellenistic pottery, Hesperia, Athen, 1934, vol. III, նկ. 4, 5.

⁷ Henry Robinson, Excavations at Corinth, 1960, Hesperia, vol. XXXI, № 2, 1962, տախտակ 46.

⁸ Altertumer von Pergamon, h. I, 2, Berlin, 1913, A. Conze, Stadt u. Landschaft, Beiblatt 45.

⁹ Г. Д. Белов, Отчет о раскопках Херсонеса за 1935—1936 гг. Госиздат Крым. АССР. 1938 г.: В. В. Борисова, Гончарные мастерские Херсонеса, Советская археология, 1958, рис. 7, стр. 144.

¹⁰ Т. Н. Книпович, Художественная керамика в городах Причерноморья. Античные города северного Причерноморья. М.—Л., 1955, рис. 16, 19.

(նկ. 6)։ Ջարդերի մի մասը անկասկած որոշ նմանություն ունի բրոնզե դարի գունազարդ կերամիկայի հետ, բայց պակի պահպանված մասը և հատկապես նրա տակի բնորոշ ծորակաձև խիթը, ինչպես նաև զարդերի որոշ առանձնահատկությունները թույլ են տալիս վերագրելու հելլենիստական ժամանակաշրջանին։ Վաղ բրոնզե դարի գունազարդ կերամիկայի տրագիցիաների վերապրուկներով մեծ քանակությամբ կերամիկա է հայտնաբերվում Արմավիրում և Դվինում¹¹, ընդ որում շերտագրական բավական ստուգված միջավայրերում։



նկ. 8

Հաջգալան ամրոցի 1962 թվականի պեղումների ընթացքում անդիպեցինք նաև այնպիսի կերամիկայի, որը վերաբերվում է ավելի ուշ ժամանակաշրջանի։ Այլ նույն և առաջ ռելեֆ, հասադոտու վրա եղևնաձև զարդով պատած հաստափոր կարասն է, վերևից տափակ պսակով և ունի կանաչ անգորի հետքեր (նկ. 7)։ Այդ կարասը գտնվել է կիսակոոր աշտարակին կից սենյակի տրեմտյան, առաջին շրջանին վերաբերող պատի վրա։ Հայաստանի պատմական թանգարանի պահեստում կա նման մի կարաս Դվինից (1948 թ., № 1905—135), որը պրոֆ. Ղաֆաղարյանի կայությունը գտնվել է կենտրոնական թաղամասում, կաթողիկեի հիմքերի մոտ։ Մի այլ բեկոր ուռուցիկ վերադիր զարդեր ունի։

1962 թվականի կարևոր գյուտերից պետք է համարել երկանքի տակի բազալտե քարը (տրամ. 0,41 մ)։ Նրա հատակի մասը ուղիղ է, իսկ վերևինը՝ ուռուցիկ (նկ. 8)։ Այն բավական նման է Օլվիայում գտնված երկանքին¹²։ Բավական մեծ խորության վրա գտնվեցին կլոպեի, հղկված զարդերով հաստ ապակու բեկորներ։ Պսակի մասով մի մեծ բեկոր հավանաբար խորը թասի կամ բաժակի է պատկանում (նկ. 1, 1)։ Նման տեխնիկայով զարդարված տան-

¹¹ Դվինի այս խնդեցների հետ մեկ ծանոթացրել է պրոֆ. Կ. Ղաֆաղարյանը։

¹² В. Д. Блаватский, Античная археология Северного Причерноморья, М., 1961, стр. 39.

ձաձև անոթ և այլ անոթների բեկորներ հայտնի են Գառնիից և թվագրվում են. ըստ երևույթի՝ մ. թ. 3—4-րդ դարերով¹³։

Հղված զարդերով անոթների պատրաստման վայրը դեռևս հայտնի չէ։ Մի քանի դիտարկանքներ հակված են դրանք վերագրելու Հռենոսյան քաղաքների արհեստանոցներին, ուրիշները իրենց հայացքն են ուղղում գեպի Մերձավոր արևելքի ապակեգործական կենտրոնները, Սիրիա և Նզիպոս¹⁴։

Այսպես կոչված պորֆիրիտից և կոնգլոմերատից (քարի տեսակներ) պատրաստված անոթների բեկորներ պատահականորեն Հացտվանում գտնվել են դեռ վաղուց։ Այժմ այդպիսի բեկորներ են հայտնաբերվում ամրոցից, մեկը կլոր ոչ խորը թասի նման, ցածր եզրով (նկ. 4, 2)։ մյուսը՝ դեռևս չորոշված իր, ներսից և դրսից նուրբ հղված։

Հացավանի պեղումները հետաքրքիր տվյալներ են տալիս հիմնականում մ. թ. առաջին դարերի ամրոցաշինարարության և ճարտարապետության մասին, հարստացնելով որոշ չափով մեր գիտելիքները նշված ժամանակաշրջանի նյութական կուլտուրայի մի քանի ճյուղերի վերաբերյալ։ Մինևույն ժամանակ 1962 թվականի պեղումները ցույց են տալիս, որ ինչպես Գառնիում, Հացավանի ամրոցում ևս կյանքը շարունակվել է նաև հետագա դարերում, ամենայն հավանականությամբ վաղ միջնադարում։

¹³ Г. А. Тирация, Материальная культура Армении первых веков н. э. по данным некрополя и бани в Гарни (автореферат кандидатской диссертации), Л., 1956, 13.

¹⁴ Н. А. Тяхонова, Из материалов дубоссарского отряда молдавской экспедиции. Краткие сообщения Института истории материальной культуры, вып. 57, 1955, 96.